



**ARCHIVO NACIONAL
ARUBA TA HABRI DIA DI
BETICO CROES CU 4 BUNITA
EXPOSICION!**



WWW.SOLODIPUEBLO.COM



SOLODIPUEBLO@GMAIL.COM

**OTMAR ODUBER CONDENA NA
CASTIGO COMBINA Y 3 AÑA E NO POR
POSTULA COMO POLITICO Y TAMPOCO
TRAHA DEN GOBIERNO**



**ARUBA TIN E 'SAFETY
SCORE' DI MAS
HALTO DEN E REGION
CARIBENSE**

Ministerio di Husticia a
inverti alrededor di 10 miyon
florin extra den siguridad di
nos pais



**MINISTER MADURO
DI FINANSA
TA FELICITA
ADUANERONAN
CU TA CUMPLI 25
ANIVERSARIO**



SENTENCIA DEN CASO FLAMINGO



Awe Corte den Prome Instancia a dicta sentencia den e investigacion Flamingo. Ta trata aki di un investigacion di diferente hecho

castigable cu a tuma lugar durante y rond e tempo cu O.E. O. tabata minister.

Den e tratamento di e caso, defensa a bisa cu Ministerio Publico lo mester wordo declara no-admisible pa loke ta persecucion di cinco di e seis sospechosonan.

Segun defensa, varios departamento, manera Ministerio Publico, Landsrecherche y BCI/TCI, lo a comete erornan di procedimiento grave. A bisa cu proces-verbalnan a wordo falsifica,

cu e investigacion a wordo gestart na un manera ilegal, cu a haci denuncianan falso y cu tabatin metemento politico.

Sinembargo, Corte a determina cu no tin ningun prueba di esey y a rechasa e defensa pa tur e sospechosonan. Cu otro palabra, Ministerio Publico tabata den su rason pa persigui tur seis sospechoso penalmente.

Corte a declara dos sospechoso liber. E otro cuatro sospechosonan, entre nan O., a haya un condena.

O. a wordo declara culpable di fraude, intento di fraude y abuso di su funcion. El a wordo condena pa un castigo di prison parcialmente condicional y e castigo maximo di trabao pa comunidad. Ademas el a wordo saca pa un periodo di tres aña di e derecho pa sirbi Pais Aruba como ambtenaar y pa wordo elegi den un cargo publico.

Ministerio Publico ta sigui comprometi den e lucha contra corrupcion.

ACCIDENTE BANDA DI "BAN DAL DOS" A TRANCA TRAFICO NA MEIVELD



Diamars atardi a drenta informe di un accidente na Meiveld banda di "Ban Dal Dos" y trafico ta mal pega, mesora a dirigi patruya na e sitio. Yegando na e sitio polis a nota trafico ta hopi pega y mester a alivia esaki.

Na yegada di un otro patruya a atende cu e accidente cual tabata trata di un accidente pa falta di preferencia unda un Kia no a duna preferencia na un Kia suv y nan a dal den otro.

Afortunadamente ningun hende a resulta herida.



ARCHIVO NACIONAL ARUBA TA HABRI DIA DI BETICO CROES CU 4 BUNITA EXPOSICION!

BAN CELEBRA
DIA DI BETICO

25 JAN 2025

Comunidad di Aruba ta invita pa pasa bishita nos exposicion



Por bishita nos entre **10AM - 2PM**

Diasabra dia 25 di januari proximo, Archivo Nacional Aruba lo ta habri pa e publico di 10.00 a.m. – 2.00 p.m. pa brinda e publico e oportunidad di bishita e exposicion 1: “Flashback Fiesta”, cu tabata tin su apertura aña pasa na maart. Pronto e exposicion lo wordo desmantela pa asina traha riba e siguiente exposicion na maart.

Exposicion 2: di arte: “Imagennan cu a Disparce”, di Olga van der Klooster Architectuur- en cultuurhistoricus (RUG en UVA); Beeldend kunstenaar (Kunstacademie Minerva, Vrije Kunstacademie Haarlem).

“Coleccion Aruba ta un fuente rico di inspiracion pa mi proyecto di arte ‘Imagennan cu a Disparce’. Mayoria di e escenanan riba e panelnan aki ta inspira pa e bunita potretnan di studio di e fotografo Arubiano

Venancio (Chonai) Francisco Boekhoudt. Mi kier refleha/mustra e imagen di tempo, e posicion social di e hendenan fotografia y tambe nan postura cu ta tin biaha incomodo, timido of hopi orguyoso y determina di e figuranan. Nan no tabata custuma di pose dilanti di un camara e tempo ey. Esaki ta duna e potretnan algo conmovedor. Mi a purba di captura e momentonan aki. Mi no a pinta nan cara conscientemente, pa asina nan postura hala mas atencion. Asina nan sintimentonan ta wordo expresa: den e posicion di nan pia, scondi tras di un tas grandi riba nan scochi, un man robusto na banda, teniendo un flor, mesa of tas. Tur e potretnan di Chonai Boekhoudt ta na preto y blanco. Mi a pinta e escenanan conscientemente na color pa enfoca e ambiente Arubano nostalgico manera mi tabata conoce tempo cu mi tabata mucha den

añanan sesenta: flornan artificial colorido den un vaas, mucha muhe bunita cu mea y sapato blanco y bisti cu shimis, hende muhe adulto den shimis Mericano cu flor imprimi y bunita decora cu cadena di perla y renchi orea di perla di Spritzer y Fuhrman, y e hombernan den trahenan na midi. Mi a cuminsa cu e proyecto ‘Imagennan cu a Disparce’ na 2024 na Hulanda. E presentacionnan ta riba lona cu ta midi 1 meter pa 80 cm. Nan a wordo exponi na november durante e Haarlemse Kunstlijn den Galerie De Waag na Spaarne y lo wordo exponi atrobe na Heemstedse Kunstbeurs”.

Exhibicion 3: “E bunitesa di e naturalesa Arubano”, Olga van der Klooster

E tapijt ‘E beyesa di e Naturalesa Arubano’ ta traha di papel cu ta traha di carton di caha di webo cu imagen di e blachinan di e matanan di Aruba. Algun di e matanan ta di especienan nativo, manera matanan di Bushiribana; e otro parti, mescos cu e Tuteurutu, a wordo introduci na e isla hopi tempo pasa y a plama naturalmente riba e isla. E tapijt no ta inclui especienan cu eventualmente lo desplasa matanan nativo y natural. E palo di Neem, por ehempel, ta un especie invasivo cu eventualmente lo plama riba e isla. Por haya hopi informacion tocante especienan di mata y mata cu ta wordo haya na Aruba den e archivonan di ANA.

Exposicion 4: di nos heroe Nacional d.f.m. Boy Ecury. E exposicion ta recorda cu 80



aña pasa, e hoben Segundo Jorge Adelberto Ecury, miho conoci como Boy Ecury a perde su bida den e lucha pa libertad di Hulanda durante e Segundo Guerra Mundial. Pa e ocasion aki Gobierno di Aruba a decreta e fecha 6 di november como “Dia Nacional pa conmemora tur luchador di Resistencia Nacional y den Reino”. Boy Ecury tabata un luchador di resistencia Hulandes y a wordo fusila door di e Alemannan dia 6 di november 1944. ANA su coleccion di Boy Ecury a wordo amplia dia cu e vuida y yiu muhe di d.f.m. di Ted Schouten, un subrino di Boy Ecury a trece diferente album cu potret y articulonnan di corant colecciona pa Sr. Schouten y tambe algun pertenencia di Dundun Ecury, manera buki, album, potret y carta, cual mayoria ta bay tocante di Boy Ecury. For di e materialnan por saca afo mas di e bida di Boy Ecury despues di lo sucedido y por wak e for di e perspeciva di famia y haya mas detaye di diferente suceso cu a tuma

luga.

E prenda mas special cu ANA a ricibi for di e famia ta e “verzetskruis” (cruz di resistencia), un medaya cu a wordo entrega na e famia como honor na e lucha di Boy Ecury pa e libertad di Hulanda. Tambe e ultimo carta “wilsbeschikking” skirbi pa Boy Ecury prome cu e a fayece y e carta cu Reina Wilhelmina a skirbi pa e mayornan di Boy.

E famia tabata tin tur e materialnan aki warda na Hulanda y cu e fayecimento recientemente di Sr. Ted Schouten su vuida y su famia a dicidi di traspasa e pertenencianan aki na Aruba.

E “verzetskruis” a wordo entrega na Pais Aruba diaranson 6 di november na Prome Minister di Aruba Sra. Evelyn Wever-Croes, pa despues wordo warda y exhibi na Archivo Nacional Aruba. Dia 25 di januari, Dia di Betico Croes, nos ta spera bo na Archivo Nacional di 10.00 a.m. pa 2.00 p.m. pa aprecia e exhibicion aki.



Noticia di Corte

OTMAR ODUBER CONDENA NA CASTIGO COMBINA Y 3 AÑA E NO POR POSTULA COMO POLITICO Y TAMPOCO TRAHA DEN GOBIERNO-1-

ORANJESTAD – Awe merdia 1.30, Hues a dicta sentencia den e caso Flamingo.

SOLO DI PUEBLO por a compronde cu dos di e sospechosonan: Jeandrick y Esser a wordo declara liber, mientras cu Phillips, Tiel, Wever y Otmar Oduber a wordo haya culpabel y condena.

JEANDRICK

Hues a bisa cu Corte ta rechaza demanda di abogado pa declara Ministerio Publico no admisible. Hues a bisa cu e no ta haya cu tin un asina yama “fishing expedition” manera abogado a bisa. Pa loke ta e acusacion di empleado fantasma, Hues a mostra cu Jeandrick a tuma Tiel den servicio. Otmar a tuma Tiel den servicio pero Tiel tabata traha pa Jeandrick. Hues a mostra cu Tiel a malversa 84 mil florin di Gobierno. Hues a bisa cu e no ta haya cu Jeandrick ta involvi den malversacion. Ta un hecho cu Tiel a traha pa Jeandrick pero na 2020 no promer. Hues no ta haya proba cu Jeandrick ta culpable di malversacion. Hues a declara Jeandrick liber.

ESSER

Hues a bisa cu e demanda di abogado pa declara Ministerio Publico no admisible, ta wordo rechaza. Hues a bisa cu ta un hecho cu Esser tabata un empleado di Gobierno. E pregunta ta si Esser a wordo cumpra, door di tuma regalo. Hues ta haya cu mester prueba cu Esser lo a haya cos pa haci cosnan contra su deber. El a

mostra cu no tabatin transaccion financiero. Hues a bisa cu e no ta haya proba cu Esser a wordo cumpra. Hues a sigui bisa cu e no ta haya cu Esser a abusa di su funcion pa duna hende trabao. El a mostra cu Vito Croes a duna Esser placa. E pregunta ta si esaki ta un regalo. Hues ta haya esaki ta e caso. E pregunta ta sigui, kico ta e relacion entre Esser y Vito Croes. Nan conoce otro pa hopi tempo y Vito Croes ta yuda Esser pa paga school di yiu. Hues ta haya esaki acceptable. Na opinion di Hues, loke Vito Croes a haci no ta wordo considera como regalo. Hues a conclui cu no tin prueba y a declara Esser liber di a wordo cumpra. Tambe Hues a declara Esser liber di a abusa di su funcion.

PHILLIPS

Phillips no a presenta den Corte. Hues a bisa cu e demanda di declara Ministerio Publico no admisible ta wordo rechaza. Hues ta haya Phillips culpable di e acusacion empleado fantasma y malversacion di Gobierno. Hues a mostra cu Phillips ta un nombracion politico door di Otmar. Hues ta haya cu Otmar a malversa Gobierno door di duna Phillips trabao. El a mostra cu pa un periodo largo Phillips tabata complice di malversacion di Gobierno. El a señala cu Phillips no tabatin descripcion di trabao. A pag’e 131 mil florin, cual Hues ta haya cu ta di mas. Hues a tuma Phillips na malo cu Phillips a sigui traha, siendo cu e sa cu e no merece e salario. Hues a condena Phillips na

120 ora di trabao, 3 luna di prison condicional cu 3 aña di prueba.

TIEL

Tiel nunca a presenta den Corte. Hues a declara Tiel liber di a cumpra Otmar. Hues ta haya Tiel culpabel di a malversa Gobierno door di traha fantasma. Hues a condena Tiel na 120 ora di trabao, 3 luna di prison condicional cu 3 aña di prueba.

WEVER

Hues a rechaza e demanda di abogado, pa declara Ministerio Publico no admisibel. Pa loke ta e acusacionnan, Hues a mostra cu na 2018, Otmar a bin cu maneho nobo pa cu dunamento di tereno. Wever tabata e team coordinador, encarga cu dunamento di tereno. Hues a mostra cu e caso Malmok, Wever a actua contra e maneho pa duna tereno. A traha cartanan cu no ta cuadra cu e berdad y laga director di DIP firma esakinan. Hues a remarca cu e hecho cu Wever a actua bou orden di Otmar, no ta haci’e menos castigabel. Hues ta haya cu esaki a keda den intento di malversacion pasobra e dunamento di tereno no a keda realiza. Hues ta haya cu Wever, a mal usa su funcion, a falsifica cartanan y hunto cu Otmar a malversa Gobierno. Hues a sigui bisa cu Wever a abusa di e confianza cu Gobierno mester tin den dje. Hues a condena Wever na 180 ora di trabao, 5 luna di prison condicional cu 3 aña di prueba. Continuacion pag. 6

ANGELLE DE JESUS TA EMPLEADO SUPERIOR DI ARUBA BANK

22 di januari 2025 - Angelle de Jesus ta empleado superior di Aruba Bank pa luna di december 2024. Un empleado cu a demostra dedicacion y iniciativa sobresaliente, logrando asina e reconocimiento aki.

E compromiso di Angelle pa semper brinda un experiencia superior na e clientenan di Aruba Bank cu ta refleha e balornan


di e banco. Su accionnan ta impacta e clientenan positivamente y ta pone un standard halto pa e excelencia di servicio na cliente.

Angelle tin un pasion pa scirbi den su journal, unda e ta capta su pensamiento y recuerdonan cu creatividad y amor.

Pabien Angelle pa ta un empleado ehemplar cu ta forma parti di Aruba Bank



Prome Minister Evelyn Wever-Croes: Relaciona cu celebracion di Dia di Betico MUCHANAN DI KLAS 6 DI ST ANNASCHOOL PREPARANDO PA UN BUNITA PRESENTACION PA NAN SCOL



E tradicion di Gabinete Wever-Croes pa añanan caba den conexion cu Dia di Betico ta e bishitanan cu Prome Minister Evelyn Wever-Croes ta haci na scolnan basico pa asina hiba e historia di e bida y lucha di nos Libertador Betico Croes na nos muchanan. E aña aki a toca turno na St Annaschool, na unda Prome Minister

a bishita e alumnonan di klas 6.

Riba e mainta aki, Prome Minister a duna un charla cortico splicando un poco di Betico su bida y con el a lucha pa pais Aruba awe tin su Status Aparte. Despues di e charla, e alumnonan a conta Prome Minister di e show cu nan ta preparando pa cu e celebracion di



Dia di Betico na scol, na unda cada klas lo haya e oportunidad di duna un presentacion. E muchanan di klas 6 lo haci un baile riba e musica di "Ta ken nos ta, ta ken nos ta?" di Grupo di Betico.

"Mi kier gradici "waarnemend hoofd" Juffrouw Angelique cu a ricibi mi na yegada y tur docente di e scol cu ta traha duro na educa nos muchanan y siña nan mas di loke ta nos historia. Tur klas tin un

bunita decoracion riba nan bentana, cual ta muestra cu ta hopi atencion y dedicacion a wordo poni eynan. Mi ta desea cada un di nan un feliz Dia di Betico y danki pa mantene e legado di Betico na bida", Prome Minister a expresa.

**Feliz
Dia di Betico!**

Den conexion cu e celebracion di Dia di Betico nos oficina lo ta cera pa publico:
diabierna, 24 di januari 2025.

Nos lo ta habri bek pa duna bo servicio segun nos orario regular:
dialuna 27 di januari 2025.

APFA ta crea awe balor pa mañan

OTMAR ODUBER CONDENA NA CASTIGO COMBINA Y 3 AÑA E NO POR POSTULA COMO POLITICO Y TAMPOCO TRAHA DEN GOBIERNO-2-

Continuacion di pag.4

OTMAR

Hues a rechaza e demanda di abogado pa declara Ministerio Publico no admisibel. Hues a bisa cu e no ta haya cu tabatin acusacion falso di Marisol Tromp, manera abogado a bisa. El a muestra cu comision di protesta a motiva suficiente pakico a rechaza e keho di Otmar. Hues a bisa cu e no ta haya cu Ministerio Publico a actua contra e principianan di un caso husto manera abogado a bisa.

MALVERSA GOBIERNO

Hues ta haya proba e malversacion den caso Malmok y tambe cu Otmar a haci mal uso di su funcion. Hues a muestra cu Otmar na 2018 a bin cu maneho nobo pa cu entrega di tereno. Hues ta haya cu e personanan C. y F. no mester bin na recomendacion pa tereno na Malmok. El a muestra cu Wever a actua contra e maneho di duna tereno, riba orden di Otmar. Hues a muestra cu Otmar ta amigo di e homber M. cu ta

pareha di e dama C. E homber M. a pidi Otmar regla tereno. Ariba instruccion di Otmar, Wever a traha e cartanan falso. Hues ta haya cu Otmar como minister a favorece su amigonan pa haya tereno.

EMPLEADONAN FANTASMA

E asunto di empleadonan fantasma, Hues ta haya Otmar a duna Tiel, Phillips, Geerman trabao. Hues ta haya cu Otmar hunto cu Tiel y Phillips a malversa Gobierno. Pa loke ta Geerman, Hues no ta haya malversacion. E ta haya cu Geerman a haci e trabaonan cu el a palabra cu Otmar. Hues a declara Otmar liber pa un parti di malversacion y tambe a declara Otmar liber pa e acusacion di a wordo cumpra. Hues a bisa cu e no ta haya proba cu Tiel a cumpra Otmar of duna Otmar regalo. Tampoco Hues ta haya cu Otmar a abusa di su funcion den e caso aki.


Pa loke ta e relacion cu Esser, Hues ta haya cu Otmar a pone Esser na un posicion estrategico

pa yuda Otmar. Hues ta haya cu Otmar cu ayudo Esser a haci pa hendenan haya trabao na Serlimar. Hues a bisa cu a haya un buki cerca Esser cu informacionnan di hendenan cu ta liga na partido di Otmar. Hues a bisa cu no tin prueba cu lo a cumpra Otmar. Hues no ta haya cu Otmar a abusa di su funcion manera Fiscal ta acusa. Hues ta haya cu Otmar ta culpable di malversacion y un parti a abusa di funcion.

ABUSA DI FUNCION COMO MINISTER

Hues ta haya cu Otmar diferente biaha a purba malversa Gobierno, den caso terenonan. Tambe Phillips y Tiel a malversa Gobierno. Hues a bisa cu Otmar a abusa di su funcion como minister. Esaki ta daña e imagen di Gobierno di Aruba. Pa cu e castigo, Hues a tene cuenta cu e periodo largo cu a dura promer cu e caso a bin dilanti y cu Ministerio Publico a duna e caso hopi publicidad. Hues no ta haya cu Otmar tabatin beneficio financiero den e caso aki.

2 ACCIDENTE TRAS DI OTRO BANDA DI NEW YORK LAUNDRY NA SABANA BLANCO



Diaranson mainta a drenta informe di 2 accidente tras di otro banda di New York Laundry na Sabana Blanco, mesora a dirigi un patruya na e sitio.

Na yegada di e patruya a bin compronde cu aki ta trata di 2 accidente unda e prome ta un Toyota Yaris cu tabata bini for di e caminda cu ta caba pero a sigui slip bay dal riba e Nissan March cu tabata riba e caminda cu ta sigui mientras despues e Lexus cu tabata bini di direccion contrario na e March y a bay dal riba e March.

Afortunadamente ningun hende a resulta herida.



Prome Minister Evelyn Wever-Croes:

PROME MINISTER A DUNA UN CHARLA RIBA BETICO SU BIDA Y SU LUCHA NA ALUMNONAN DI KLAS 5 Y 6 DI SINT ALOYSIUS SCHOOL



Den cuadro cu Dia di Betico, Prome Minister Evelyn Wever-Croes a bishita Sint Aloysius School na Noord. Prome Minister a indica cu e scol aki ta uno nobo y cu e ta contento di por a bishita nan pa prome biaha pa asina e por a wak con bunita e scol a keda. Riba e mainta aki, Premier Wever-Croes tabata tin e oportunidad di saluda e alumnonan di klas 5 y 6, na unda el a duna un charla di Betico su bida y su logronan y intercambia ideanan cu e muchanan.

Prome Minister a expresa cu pa su persona lo mas importante di e bishitanan aki ta pa educa nos muchanan cu ta nos futuro generacion riba e bida di nos Libertador Betico Croes. E alumnonan di klas 5 y 6 a demostra di tin hopi conocimiento caba di e bida y e lucha cu Betico a hiba pa logra Aruba su Status Aparte. Tambe ta importante pa e muchanan

sa cu nan, mescos cu Betico, por logra cosnan grandi den nan bida, si nan traha cu amor y dedicacion pa pais Aruba.

Tambe Prome Minister a splica nan cu Betico a traha e cas cu yama pais Aruba pa nos biba riba dj'e den libertad, pero desafortunadamente e mes no por a gosa di su logro debi na un accidente cu a causa cu el a fayece. Betico a laga nos cu e yabi pa nos traha, cuida y proteha e cas aki, y p'esey ta importante pa nos como adulto cu conoce e historia inculca esaki den nos muchanan pa asina yuda nan crece cu hopi amor pa Aruba.

Un danki na cabesante di scol, Meneer Vladimir de Cuba pa e oportunidad di bishita e scol y tambe na e maestra y maestronan pa nan aporte na inculca e amor pa Aruba den curason di nos muchanan.



MINISTER MADURO DI FINANSA TA FELICITA ADUANERONAN CU TA CUMPLI 25 ANIVERSARIO DI TRABOU



Recientemente un grupo di 16 Aduanero a cumpli 25 aña den servicio di Gobierno di Aruba.

por felicita nan y duna nan e decreto gubernamental y un recuerdo como

gradicimento pa nan trabou haci na bienestar di comunidad.

Ta trata di Aduaneronan, Marushca S. Leest, Marlon L.C. Ruiz, Wilfred M.R. Tromp, Kenrick H. Giel, Juan A. Geerman, Alexander G. Geerman, Giovanni M. Davelaar, Porfilio R.J. Croes, Lilian S. Albertus, Riley A.A. Jansen, Andries E. Hijmering, Sharon E. Richardson, Shaymara D.C. Sanchez, Aileen A. Sierra, Juan C.J. Ras y Gilbert E. Maduro.

Pa e ocasion di hubilo aki Minister Maduro di Finansa a ricibi un parti di e grupo na Bestuurskantoor pa asina



Prome Minister Evelyn Wever-Croes:

ARUBA TIN E 'SAFETY SCORE' DI MAS HALTO DEN E REGION CARIBENSE

Ministerio di Husticia a inverti alrededor di 10 miyon florin extra den siguridad di nos pais

The safest (and least safe) Caribbean islands

1. Aruba – safety score: 90
2. Bermuda – 90
3. British Virgin Islands – 89
4. Barbados – 80
5. Bonaire – 80
6. Curacao – 80
7. Dominica – 80
8. Grenada – 80
9. Anguilla – 70
10. Montserrat – 70
11. Saint Kitts and Nevis – 70
12. Saint Lucia – 70
13. Jamaica – 55
14. Dominican Republic – 54
15. Cayman Islands – 50
16. The Bahamas – 49
17. Cuba – 47
18. Belize – 43
19. Trinidad and Tobago – 43
20. Haiti – 42
21. Puerto Rico – 34

Source: Travelsafe Abroad

- The Telegraph a publica diamars 21 di januari un analisis di e problema di crimen violento den Caribe y su impacto potencial riba turismo. Den e articulo a menciona cu Aruba tin e 'safety score' di mas halto den region.

A indica cu algun isla den Caribe ta sufri di un aumento significativo den crimen violento, incluyendo homicidio, asalto, y hortamento. Trinidad y Tobago recientemente a declara un estado di emergencia den un intento pa combati e ola di violencia, un paso cu ta refleha e gravedad

di e situacion na e pais. E crecemento di crimen ta hisa e preocupacion no solamente riba siguridad local, sino tambe riba su potencial pa descurasha turismo, un sector vital pa economia di hopi isla den e region.

Sinembargo, e articulo ta enfatisa cu no tur isla den Caribe ta enfrenta e mes nivel di crimen. Aruba, un destinacion popular y reconoci pa su siguridad, ta sobresali como un di e luganan mas sigur den e region, huntu cu Bermuda y British Virgin Islands. Barbados tambe ta clasifica como



un destinacion cu un bon reputacion pa siguridad. Mientras cu algun luga den Caribe ta enfrenta reto serio cu crimen, tin destinacionnan, manera Aruba, cu ta sigui mantene un ambiente sigur y atractivo pa turistanan.

Pa turistanan cu ta pensa pa bishita e islanan den Caribe, e articulo ta recomenda pa investiga e situacion di siguridad di un destinacion prome cu dicidi pa biaha pa un destinacion den Caribe.

Gabinete Wever-Croes a pone prioridad halto pa haci di Aruba un luga sigur pa localnan pero tambe pa brinda nos bishitantenan e siguridad pa nan pasa nan vakantie sin preocupacion riba nos baranca stima.

Gobierno, bou maneho di Minister di Husticia Rocco Tjon, a aumenta e presupuesto di Husticia cu un suma significante, alrededor di 10 miyon florin extra, pa logra e siguridad aki cu a pone cu nos tin e "safety score" di mas halto den e region Caribense.

Prome Minister Evelyn

Wever-Croes: "Mi ta gradici Minister Rocco Tjon pa su dedicacion y esfuerzo pa trece y mantene siguridad den nos pais. Su maneho efectivo y compromiso durante su ministerio a contribui cu awe Aruba un biaha mas ta sobresali cu e "safety score" mas halto den e region Caribense".



Clasificados

SOLODIPUEBLO@GMAIL.COM
CEL. 585 9500

SOLO
Di Pueblo

“BETICO, UN ARUBIANO DI CURASON”



Un dia special pa hopi, ta
asercando
Recordando
Un arubiano cu a destaca
Den su trabaonan como
politico realisa

Un dia pa pueblo celebra,
cantando Faltando
Ketobai amor hamas
lubida Pa su carisma
como un bon hende
stima

Un dia pa lidernan , reflexionando
Sperando
Ku su ehempelnan , palabranan preferi
Ni cuanto, ni na unda, balornan bai perdi

Un dia pa nos muchanan na skol, sinjando
Comunicando
Ku fe den Dios como e rais
Ketobai cu balor den e amor pa nos pais

Un dia pa nos obreronan, obrando
Logrando
Di mantene nan famia ariba pia
Y sigui biba feliz cu otro den harmonia

Un dia di mas inspiracion, yegando
Pensando
Hunto cu e arubianonan cu no tey mas
Pa hunto sigui recorda y reza pa paz

Un dia, pa ami, Lady Ruth, ta recitando
Inspirando
Pa mi sigui expresa den nos anja cultural
Atravez di mi poemanan pa mi Aruba special

Shonnan, pasa un dushi dia di Betico
reflexionando

Autor : Ruthy”Lady Ruth”Vrieswijk-Bergen
Aruba 25 Januari 2008/ 2021/2025

DAMA CHAUFFEUR A BAY SUBI CAMINDA NO A MIRA CU AUTO TA BINI Y A BAY DAL RIBA DJE DILANTI RIJBEBEIJIS KANTOOR



Diaranson mainta a drenta informe di un accidente dilanti rijbewijs kantoor na Santa Cruz unda trafico a pega, mesora a dirigi patruyanan na e sitio. Na yegada di e patruya a bin compronde cu aki ta trata di un accidente unda un dama chauffeur a bay subi e caminda pero no a mira e auto cu tabata bini for di nort y a bay dal den esaki. Afortunadamente aunke tin hopi daño ningun hende a resulta herida.



CEDE DI BBQ DIA DI BETICO Y DIADOMINGO DI 26 JANUARI

NA SIRIBANA 45B DELANTI DI
JUMBO RESTUARANT.
MENU

BBQ
MIX
GALINJA
LOIN RIBS
LOMITO
PALO DI
GALINJA, LOMITO y LOMITO/GALINJA
1/2 GALINJA

TUR CUMINDA TA BIN CU SALADA BATATA,
MAISHI, PORK&BEANS Y PAN.

TAMBE POR HAJE CU AROOS CON POJO
ETA COSTA EXTRA.

**PA PEDIDO POR JAMA OF
WHATS APP NOS NA 7497071
FELIS DIA DI BETICO NA
BOSO NAN TUR**

BIBA LEKKER DT A PONE TEAM SNOR

“ZING EEN TOONTJE LAGER”!



Calabas/Kudawecha - Si shonnan, asina mes! Mesa di redaccion a keda resona manera campana di misa despues di yama Aurora ora cu e noticia a drenta manera un bom cu e ekipo invicto di 2023, esta Team Snor, a bira victima di un berdadero masacre aya n'e palacio di pega piedra, e mundialmente famoso Domino Square Garden net n'e grens entre Calabas y Kudawecha!

Kico a bay fout? Con e desastre aki por a desaroya su mes? Hopi tempo caba tabatin “onrust” bou diferente ekipo pasobra niun di nan por a bati Team Snor y e sed pa vengansa tabata bira mas grandi dia pa dia, bataya perdi tras di bataya perdi! Cu aña lo a habri c'un “dikke lip” cerca integrantenan di Team Snor niun hende, ni e bookienan na Londen o Las Vegas, por a premira. Den un entrevista exclusivo, lider di Biba Lekker DT, Capitan Trimon man n'e timon, a declara cu ta di

hopi tempo caba e tabata haya Snor y compinchinan tabata blof demasiado hopi! A bira tempo pa para e cos aki, aldus Capt. Trimon.

Y asina mes por a sinti diasabra ultimo 18 di januari cuminsando pa 8'or di anochi cu tin algo ta “hang in de lucht” ... wowonan skerpi a observa cu Snor tabata drif manera naufrago den lama bruto ya cu e motor strategico di Team Snor, esta Captain Magda, tabata “afwezig” y tur decision importante a bira mescos decretonan di presidente Biden: totalmente sin balor! Den prome tanda, Biba Lekker DT a cuminsa style di “drill, baby, drill” y sin piedad a sacudi fundeshi bou pia di Snor. Cu score ominoso, Biba Lekker ta drenta halftime c'un bentaha di 11-6! Di dos tempo ta bay aden y Team Snor ta haci un atento sobrehumano pa “boltia” e “deficit” haci esaki un “surplus”, pero esaki tabata totalmente en vano.

Cu score di 21-16 Biba Lekker DT ta habri aña mustrando Team Snor cu

e leynan di Isaac Newton keto bay ta vigente: Tur cu bay laira, un dia tin cu bin

abou bek. Shonnan, keda pendiente ... het wordt spannend!

5 PA DOÑONAN DI MASCOTA DURANTE MAL TEMPO

1 Tirahe un “hurricane safety plan” pa bo familia ta prepara y inclui bo mascotanan den dje. KGece: nunca bo lo haci uso di dje pero “better be safe than sorry”. Distinge e localidat di e seccionnan pa un “worst case scenario” y prepara pa por evacuá e plan ald na cualquier momento teniendo cuenta cu tur cos cu bo haci lo mejor ta facil y accesible pa por worta pa 2' siman, p.e:

- Fluo, sumido, algo pa pone awa y cuminda den dje
- Cualquier remedio cu e mascota ta standard riba dje incluyendo su tratamiento contra sarpola, purga y hantueron (check fecha di expiration)
- Un pet carrier
- Un kaitabek cu sa valling
- Saco di plastic pa pone nan coschi aden
- Extra lechi
- Un coy lunga
- Buki di vacuna
- Slikera un portret di bo mascota

2 Encuentra pa bo mascota tin un caminda pa acorda pa awa


3 Encuentra pa bo mascota tin un caminda cu e por sinti sigur si e haya stress di tempo cu stress

4 Encuentra pa bo mascota cu vacunanan ta up to date pa nan ta bon proteta contra malesanan infeccioso cu por sangi especialmente ora suv yobe hopi

5 Encuentra pa bo mascota tin un microchip. Elendad un banchi cu su detonan por yuda pero en caso e mascota perde e banchi aki, por trata e info bek via e microchip, contal cu bo info ta up to date

f Shima Mi Mascota

Accidente pa falta di preferencia na crusada di Edisonstraat cu Kamerlingh Onnestraat




Diamars mainta a drenta informe di un accidente na e crusada di Edisonstraat

cu Kamerlingh Onnestraat, mesora a dirigi un patruya na e sitio. Na yegada di e patruya a bin compronde cu aki ta trata di un accidente pa falta di preferencia unda un Toyota Yaris biniendo for di pariba den Edisonstraat no a duna preferencia na e

Kia Picanto cu tabata bini di nort. E impacto tabata asina fuerte cu e Yaris a bira casi 180 grado fuera subi e 2 tirenan banda banda robes riba e acera. Afortunadamente ningun hende a resulta herida.

ACCIDENTE PA FALTA DI PREFERENCIA NA ROTONDE PONTON RIBA E.J. "WATTY" VOS BLVD



Diaranson madruga a drenta informe di un accidente na e rotonde Ponton riba E.J. "Watty" Vos Blvd., mesora a dirigi un patruya na e sitio. Na yegada di e patruya a bin compronde cu aki ta trata di un accidente

unda un auto yegando e rotonde a brake pero a slip riba e caminda muha y no a logra para na tempo bay dal un pick-up birando na e rotonde. Afortunadamente ningun hende a resulta herida.

Clasificados

CLASSIFIEDS

SOLODIPUEBLO@GMAIL.COM
CEL. 585 9500

SOLO
Di Pueblo

Prome Minister Evelyn Wever Croes:

EXITOSO ENCUENTRO CU STUDIANTENAN DI HAAGSE HOGESCHOOL Y OGM DI UNIVERSIDAD DI ARUBA RIBA E TEMA “RELACIONNAN DEN REINO”

Studiantenan a ricibi informacion practico y real di Relacionnan den Reino

ORANJESTAD – Diamars atardi a tuma luga un exitoso encuentro cu studiantenan di De Haagse Hogeschool di Hulanda y OGM di Universidad di Aruba. Prome Minister Evelyn Wever-Croes ta indica cu e motibo di e encuentro aki ta cu Haagse Hogeschool tin un materia riba “Koninkrijksrelaties”, Relacionnan den Reino y den cuadro di e materia aki studiantenan ta bishita Aruba pa reuni cu e mandatario.

Durante e tres añanan e grupo ta bin ta creciendo y pa cual motibo e aña aki a dicidi di tene e encuentro na Universidad di Aruba.

Prome Minister ta indica cu e studiantenan di Hulanda semper ta bin bon prepara, cu hopi conocimiento di buki riba e materia di Relacionnan den Reino, pero aki na Aruba, nan ta ricibi e informacion practico y real riba esaki. E aña aki pa e encuentro, tambe a invita nos propio studiantenan di Organization, Governance & Management - OGM di Universidad di Aruba.

A trata di un atardi sumamente interesante, cu hopi pregunta y informacion. Durante e encuentro di e aña aki a invita varios profesional pa duna charla, tratando di señora Sheila Maduro y señora Vanessa Scholing di Directie Onderwijs, señora Ronella Croes di ATA y señor Derrick Werleman di Directie Financien. Tambe tawatin un panel cu a contesta preguntanan unda tawatin varios pregunta critico pero cu bon contenido.



Prome Minister tawatin e honor di cera e atardi aki cu un discurso interesante dirigiendo su mes na e studiantenan, haciendo un refleccion riba e mas di 7 aña di su Gabinete, titulando esaki “Di Crisis pa Prosperidad”.

Di e crisis financiero na 2017 ora cu el a drenta

gobierno, e pandemia na 2020 cu apesar di esaki, Aruba su economia a bons bek cu trabou duro, y di e acuerdo cu a yega na dj’e na 2024 pa baha e interes di e debe di Covid cu Hulanda a base di un rijkswet. Otro temanan cu e mandatario a toca durante e discurso ta e cifra abou di desempleo y di turismo, e pilar di nos economia

unda IMF a indica cu esaki ta recuperando na un manera impresionante. Tambe prome Minister a indica na e studiantenan cu danki na e bon situacion financiero awo gobierno ta dunando bek na e pueblo pa asina e prosperidad por yega den tur hogar na Aruba.

“Mi sincero palabra di

gradicimento na Haagse Hogeschool pa e bon relacion di trabou durante e ultimo añanan, pa e atencion ricibi y e forma constructivo cu nos a traha hunto. Danki na Minister Plenipotenciario Adi Thijssen y Arubahuis, na Universidad di Aruba pa haci e encuentro di awe posibel y na tur e profesionalnan cu a compaña mi awe y principalmente señora Indra Zaandam cu a organisa e evento. Na e studiantenan, danki pa boso interes y atencion riba e tereno aki.

Mi ta sigur cu e atencion cu ta wordo awo duna a traves di institutonan manera Haagse Hogeschool y Universidad di Aruba riba loke ta trata Relacionnan den Reino, ta bay contribui pa bon relacionnan den futuro”, Prome Minister a expresa.



Prome Minister Evelyn Wever-Croes:

ALUMNONAN DI ROSA COLLEGE KLAS 6 A RICIBI PROME MINISTER CU HOPI ENTUSIASMO



ORANJESTAD -
Diaranson mainta den
cuadro di Dia di Betico,
Prome Minister Evelyn
Wever-Croes a haci un
bishita na Rosa College
pa asina duna un charla
riba e bida y lucha di nos
Libertador Betico Croes.
Prome Minister a expresa
cu pa su persona semper
ta un honor di bishita
Rosa College ya cu esaki ta
e scol cu el a atende tempo
e tabata mucha.















Durante su bishita Prome
Minister tabata tin e
oportunidad di saluda
dos klas 6 na unda el a
conta nan un poco di
Betico su bida y su lucha
pa nos Status Aparte. E
alumnonan aki tabata tin
conocemento di Betico
pero tabata kier sa mas
y a haci hopi pregunta di
cual Prome Minister a
contesta. E importante ta
pa e muchanan aki crece
cu e conocemento di e

















lucha grandi cu Betico
a hiba pa logra cu awe
Aruba ta un pais liber.

Tambe Prome Minister
a expresa cu e ta yen'e
di hopi satisfaccion di
mira con e scolnan ta



 <div>Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado: Sorteo di Merdia - January 22, 2025</div>		
 <div>Sorteo # 4515</div> <div>1867</div> <div>8606</div> <div>1627</div> <div>X2</div> <div>Sorteo # 4515</div> <div>1907</div> <div>FP</div> <div>Sorteo # 2571</div> <div>0555</div> <div>Sorteo # 4515</div> <div>5212</div> <div>Aquario</div> <div>Sorteo # 1389</div> <div>085</div> <div>X2</div>	 <div>Sorteo #</div> <div>0x Jackpot</div> <div>0x Match 4+</div> <div>0x Match 4</div> <div>0x Afl. 12,00</div>	<div>Joker Letter</div> <div>Proximo Jackpot</div> <div>230.000,-</div>
 <div>Sorteo #</div> <div>0x Jackpot</div> <div>0x Match 4</div> <div>0x Afl. 8,00</div>	<div>Proximo Jackpot</div> <div>122.000,-</div>	
 <div>Sorteo #</div> <div>0x Jackpot</div> <div>0x match 4</div> <div>0x Afl. 500,00</div> <div>0x Afl. 50,00</div> <div>0x Afl. 15,00</div>	<div>Mega Ball</div> <div>Proximo Jackpot</div> <div>725.000,-</div>	
 <div>Sorteo #</div> <div>0x Jackpot</div> <div>0x match 4</div> <div>0x Afl. 500,00</div> <div>0x Afl. 50,00</div> <div>0x Afl. 15,00</div>	<div>Proximo Jackpot</div> <div>Afl. 1.125.000,-</div>	
 <div>Sorteo #</div> <div>0x Jackpot</div> <div>0x match 4</div> <div>0x Afl. 500,00</div> <div>0x Afl. 50,00</div> <div>0x Afl. 15,00</div>	<div>Sorteo #</div> <div>0x Jackpot</div> <div>0x match 4</div> <div>0x Afl. 500,00</div> <div>0x Afl. 50,00</div> <div>0x Afl. 15,00</div>	<div>Sorteo #</div> <div>0x Jackpot</div> <div>0x match 4</div> <div>0x Afl. 500,00</div> <div>0x Afl. 50,00</div> <div>0x Afl. 15,00</div>

 <div>Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com Resultado: Sorteo di Anochi - January 22, 2025</div>		
 <div>Sorteo # 8454</div> <div>0748</div> <div>4403</div> <div>5904</div> <div>X3</div> <div>Sorteo # 7498</div> <div>4942</div> <div>X2</div> <div>Sorteo # 2203</div> <div>6854</div> <div>Sorteo # 6257</div> <div>2286</div> <div>Leo</div> <div>Sorteo # 1187</div> <div>634</div> <div>X2</div>	 <div>Sorteo #</div> <div>0x Jackpot</div> <div>0x Match 4+</div> <div>0x Match 4</div> <div>0x Afl. 12,00</div>	<div>Joker Letter</div> <div>Proximo Jackpot</div> <div>230.000,-</div>
 <div>Sorteo # 6720</div> <div>0x Jackpot</div> <div>11x Match 4</div> <div>382x Afl. 8,00</div>	<div>Proximo Jackpot</div> <div>122.000,-</div>	
 <div>Sorteo # 1734</div> <div>0x Jackpot</div> <div>3x match 4</div> <div>10x Afl. 500,00</div> <div>193x Afl. 50,00</div> <div>310x Afl. 15,00</div>	<div>Mega Ball</div> <div>Proximo Jackpot</div> <div>725.000,-</div>	
 <div>Sorteo #</div> <div>0x Jackpot</div> <div>0x match 4</div> <div>0x Afl. 500,00</div> <div>0x Afl. 50,00</div> <div>0x Afl. 15,00</div>	<div>Proximo Jackpot</div> <div>Afl. 1.125.000,-</div>	
 <div>Sorteo #</div> <div>0x Jackpot</div> <div>0x match 4</div> <div>0x Afl. 500,00</div> <div>0x Afl. 50,00</div> <div>0x Afl. 15,00</div>	<div>Sorteo #</div> <div>0x Jackpot</div> <div>0x match 4</div> <div>0x Afl. 500,00</div> <div>0x Afl. 50,00</div> <div>0x Afl. 15,00</div>	<div>Sorteo #</div> <div>0x Jackpot</div> <div>0x match 4</div> <div>0x Afl. 500,00</div> <div>0x Afl. 50,00</div> <div>0x Afl. 15,00</div>



pone hopi atencion na e
dia importante aki. Pero
principalmente pa Betico
por inspira cada un di nan
pa traha duro pa nan por
logra cosnan grandi pa
nan mes y pa pais Aruba.

Danki na Rosa College pa e
oportunidad, na cabesante
di scol Juffrouw Lai-Ping
y tur otro docente pa nan
amor y dedicacion na nos
muchanan.

POLIS A BIN ATENDE UN ACCIDENTE CU DECLARACIONNAN CONTRADICTORIO CU UN DAMA HERIDA



Diaranson mainta a drenta informe di un accidente cu hende herida na Home Best Supermarket, mesora a dirigi tanto polis como ambulans na e sitio. Na caminda pa e sitio a drenta un otro informe di cu esnan envolvi lo a

move bay na un adres den cercania. Na yegada si polis a bin compronde cu aki ta trata di un accidente cu declaracionnan contradictorio e dama chauffeur ta bisa e tabata para den e liña y e pick-up a bisa cu e dama a bini

dal riba dje. Ora polis a controla e papelnan a descubri cu e chauffeur no tin rijbewijs y a dun’e un boet. Na yegada di e ambulana e dama chauffeur cu a resulta herida a wordo controla na e sitio mes.

SUDOKU

	3		2		9		7	
9			4	1	3			8
		1		7		3		
7	1			4			9	5
	8	6	9		7	4	3	
5	9			2			8	7
		8		6		9		
6			1	3	2			4
	4		8		5		6	

		6	7		4	9		
	5			6			8	
2								5
3								1
1								2
	8						3	
		7				6		
			3		9			
				8				

	7			6				9
6			5				8	
		4				7		
	3				6			
2				5				8
			4				1	
		3				4		
	2				7			3
1				8			2	

FORTALEZA PA FAMILIA

Scirbi pa Pastor Marcel Balootje.

BERDAD SEMPER LO PREVALECE

For di principio di mundo e diabel a wordo adresa como un mentiroso, semper e a ganja pasobra esey ta su naturalesa, pero e berdad di Dios semper a demostra y lo ta superior na e mentiranan di diabel,

No ta desconoci pa hende cu e palabra di Dios ta bisa cu e ladron a bini pa solamente horta, mata y pa destrui, y cu Cristo a bini pa duna bida, y bida na abundancia.

Cada biaha cu hende laga mentira of hende cambia palabra di Dios pa mentira, esey ta nifica cu morto spiritual a drenta,

pasobra e hende no kier biba segun e berdad di Dios.

Awor ta e tempo pa nos mira cla con esey ta manifesta, caminda sabiendo e berdad, y conociendo consecuencia di mentira toch hende, ta prefera di wordo enganja of ta ganja nan mes y permanece den scuridad.

Ora bo coregi un hende tocante su bida, tocante e boluntad di Dios pa su bida, tocante agrada Dios cu su bida, bo ta tende di otro banda, ta mi bida priva, no mete, y no huzga mi, pero Dios den

Su inmenso amor a yama nos pa stima otro como prohimo, y coreccion ta parti di amor.

Coreccion ta nifica, mi no kier mira bo malo, si mi ripara cu bo ta cayendo den gara di diabel, of bo a cay caba, ta mi deber como prohimo pa bisa bo, y hala bo atencion, pa tene cuenta, aleha for di mentira, pasobra den mentira no tin ningun clase di cosecha, pasobra berdad semper lo prevalece.

Awendia tur clase di mentira ta, y lo wordo inventa, y Hesus mes a bisa esey, cu lo bini hopi

Cristo falso, y lo bo tende cu e lo ta aki of lo ta aya, pero esey lo no ta e berdad.

Awor tambe Dios a laga un versiculo pa nos cu por libra tur hende di mentira, cual ta 1 Juan 1:9 bisando cu: Si nos confesa nos picanan E ta fiel y husto di pordona nos, nos picanan y libra nos di tur inhusticia.

Hesus a bisa; Bin serca Mi tur cu ta cansa y carga, y lo mi duna boso sosiego. Hende no tin mester di kere den mentira, mientras cu e berdad ta dilanti di nan porta, hende no mester acepta di wordo manipula door di diabel, mientras cu e libertad den Cristo Hesus ta wardando brasa habri.

Pakico cambia e berdad den un mentira y biba den scuridad. pakico keda sin reconoce Dios, of no hanja ta necesario pa reconoce Dios y asina keda wanta den a caya di malicia, y inmoralidad?

Cada biaha cu un

hende rechasa Dios concientemente e ta montona furia di Dios pa su mes, pa motibo di su capricho y su curason cu no kier arepentí, den un forma mas abierto bisa, bo no por bebe veneno anto otro hende lo muri pa bo, Dios ta bisa bon cla cu tur locual hende sembra nan lo cosecha.

Tur hende ta mirando con e berdad di Dios ta prevalece, y cu solo no por wordo tapa cu un dede. E binida di nos Senyor Cristo Hesus ta asercando, y esey ta e gran berdad, y esnan cu kere den den dje lo ta salba y nan tin bida eterna den Cristo Hesus, pasobra esey ta e gran promesa di Dios den Juan 3:16 pero tambe a wordo confirma den Juan 14:1-4. Pa ningun hende por bisa cu nan no sa.

Keda ken cu perservera den maldad lo cosecha di nan maldad, pasobra cada ken lo duna cuenta di su mes bida na Dios.



Oracion di dia

Un feliz dia bendiciona yena cu gracia di Dios

”Lo Bo ta sacerdote pa semper na e mesun manera cu Melkisedec.”
(Hebreunan 7, 17b)

Ruman aki nos ta mira Hesus cu e titulo Sacerdote/Rey di Husticia pa semper, bunita titulo pa Hesus aunke Hesus no mester di ningun introduccion of titulo paso E ta Dios y Dios ta Amor. Asina mes den Hesus nos por experencia Amor, E Amor Unico cu nos tur ta anhela consciente y inconscientemente nos tur ta anhela di experencia E Amor di Dios.

Ta dificil pa esey sosode? Ta bon pa nos sa cu tur cos ta depende di con habri nos curason ta pa Hesus y con nos ta permiti Spirito Santo move den nos.


Diadomingo nos a scucha cu nos tin e donnan y awor ta keda nos nada mas cu resa y pidi Spirito Santo habri nos curason pa nos experencia y pone e donnan den practica y asina acepta y cumpli cu Dios su boluntad den nos bida y nos biba!

Oracion: Hesus mare nos tur por reconoce cu Abo ta nos Rey di Husticia y acerca Bo curason misericordioso pa nos salvacion.

Amen

Gradicimento y Invitacion

Pa medio di esaki famia kier a gradici tur esnan cu na un manera of otro a duna nos sosten, consuelo y forza durante e tempo dificil cu e fayecimento y entierro di nos defunto stima:



Jose Rosendo Tromp

Boso muestra di atencion ta di hopi aprecio y un gran sosten pa nos. Un danki na un y tur cu a manda carchi, krans, whatsapp, email y a hasi yamada nan telefonico.

Tambe na Aurora Funeral Home pa cu su bon servicio y atencion.

Boso muestra di atencion tabata un gran consuelo pa nos.

Na mes momento nos ta invita famia, bisiña-, amigo- y conocirnan pa compana nos na un Santo Sacrificio di Misa na misa Inmaculada Concepcion;

Diabierna 24 Januari

Boso presencia ta altamente aprecia